

ՆՈՐ ԳՐՔԵՐ

ԵՂԻՇԵ ՉԱՐԵՆՑ — «Երկերի ժողովածու», հատոր 5, Հայկական ՍՍՀ ԳԱ հրատարակչություն, 1966 թ., տպաքանակը՝ 11000, 648 էջ, գինը՝ 1 ու. 72 կոպ.:

Ջարենցի «Երկերի ժողովածուի» այս հատորն իր մեջ ամփոփում է մեծ գրողի արձակը, հոգվածները և նամակները: Հատորի խմբագիրն է Ս. Բ. Աղաբաբյանը, տեքստը պատրաստել և ծանոթագրել է Ա. Գ. Զաքարյանը:

Ա. Շ. ՄՆԱՑԱԿԱՆՅԱՆ — «Աղվանից աշխարհի գրականության հարցերի շուրջը», Հայկական ՍՍՀ ԳԱ հրատարակչություն, 1966 թ., տպաքանակը՝ 1000, 286 էջ, գինը՝ 95 կոպ.:

Մենագրության մեջ քննարկվում են Աղվանից աշխարհին վերաբերող պատմա-աշխարհագրական և մշակութային մի շարք հարցեր: Առանձնապես հետազոտված է այդ երկրի գրի և գրականության պատմությունը: Առաջ է քաշված այն կարծիքը, որի համաձայն Աղվանից աշխարհում ի սկզբանե (V դարի սկիզբ) հիմնադրվել է ոչ թե մեկ, այլ երկու գիր ու երկու դպրոցներ՝ աղվանական և հայկական: Հետագայում, պատմական իրադարձությունների պատճառով, աղվանականը աստիճանաբար վերացել է, տեղի տալով հայկականի: Հանգամանորեն տրվում է այդ դպրոցյան ընդհանուր պատկերը՝ V—XIII դարերում:

Պ. Մ. ՄՈՒՐԱԿՅԱՆ — «Հայ-վրացական մատենագրական փոխհարաբերությունները XVIII դարում», Հայկական ՍՍՀ ԳԱ հրատարակչություն, 1966 թ., տպաքանակը՝ 1000, 224 էջ, գինը՝ 70 կոպ.:

Աշխատությունը լույս է տեսել ուսերեն լեզվով, ուր հանգամանորեն լուսարանվում են XVIII դարի հայ-վրացական մշակութային և գրական փոխհարաբերությունները:

Բազմաթիվ արխիվային և ձեռագիր նյութեր, որոնք հայտնաբերել է ինքը հեղինակը, հնարավորություն են ընձեռել ուսումնասիրելու ինչպես թարգմանական, այնպես էլ բնագիր շատ հուշարձաններ, որոնք ստեղծվել են վրաստանի հայկական բնակավայրերում:

Գրքի խմբագիրն է ակադեմիկոս Ս. Տ. Նեմյանը: